



Tálknafjörður

Tálknafjörður

Tálknafjarðarhreppur - Kt. 640269-6779 - Strandgata 38, 460 Tálknafirði Sími: 450-2500 - talknafjordur@talknafjordur.is

Umhverfis- og auðlindaráðuneytið
Skuggasundi 1
101 Reykjavík

Tálknafjörður, 2. nóvember 2021

Efni: **Varðar drög að breytingu á reglugerð um gerð strandsvæðaskipulags.**

Vísað er til draga að breytingu á reglugerð um gerð strandsvæðaskipulags, mál nr. 192/2021 á samráðsgátt stjórnvalda, sem voru birt 18.10.2021.

Mikilvægt er að vanda til allrar skipulagsvinnu og á það við um strandsvæðaskipulag sem og aðrar tegundir skipulaga. Vel unnið skipulag er gott stjórnþæki til að vinna að skilgreindum markmiðum og þar er tækifæri til að taka tillit til ólíkra sjónarmiða og ólíkra hagsmuna. Það er því jákvætt að nýtingarflokkar strandsvæðisskipulags séu skilgreindir í reglugerð með sambærilegum hætti og gert er í aðalskipulagi sveitarfélaga.

Sveitarstjórnir eru það staðbundna stjórnvald sem fer með skipulagsvald á landi og mikilvægt að í strandsvæðaskipulagi sé tekið mið af því aðalskipulagi sem er í gildi á hverjum stað. Skipulög sem liggja saman verða að taka mið af hvor þar sem það er nauðsynlegt. Hér er sérstaklega bent á að það er mikilvægt að ekki sé þrengt að athafnasvæði hafna og siglingaleiðum þegar strandsvæðisskipulag er unnið. Það samráð sem er skilyrt við sveitarfélög og hafnarstjórnir í 2. grein reglugerðarinnar skiptir því miklu máli.

Þetta mikilvægi þarf að endurspeglast í þeim nýtingarflokkum sem eru skilgreindir í reglugerðinni. Skilgreind hafnarsvæði geta náð út fyrir formleg skipulagsmörk sveitarfélaga og það þarf að endurspeglast í nýtingarflokkum. Á Tálknafirði á þetta við um núverandi hafnarsvæði og mun ekki síður gera það ef ytri höfn verður skilgreind við fjarðarmunnann líkt og umræða hefur verið um. Álíka aðstæður má finna á öðrum fjörðum.

Um leið og ofangreindri ábendingu er komið á framfæri er óskað eftir því að hún verði tekin til skoðunar áður en endanleg útgáfa reglugerðarinnar verður gefin út.

Fulltrúar Tálknafjarðarhrepps eru að sjálfsögðu reiðubúnir til samtals vegna þessa sé eftir því óskað.

Virðingarfyllst,


Ólafur Þór Ólafsson
sveitarstjóri Tálknafjarðarhrepps

